

Hé bien donc, fit celle qui l'auoit conuiee, ne faites aucun excés, ne mangés que ce qu'il vous plaira; la bonne-femme s'y accorde, protestant qu'elle ne vouloit contreuenir à aucune des loix de son baptesme.

Vne ieune fille de la Nation d'Iroquet, ayant eu quelque instruction ça bas pendant l'Automne, a passé l'hiver aux Hurons, & voiant que dans la Bourgade où elle estoit, on vomissoit mille blasphemes contre Dieu, & contre nous; elle prit la cause de Dieu en main & nostre defence, iamais on ne la put empêcher de faire ses prieres, ses parens nous disoient, qu'ils auoient appris à prier Dieu par son moyen.

Malgré toutes les attaques du Diable, les Infidelles ne laissent pas d'ouuir les yeux petit à petit; En forte qu'ils s'adoucissent & s'apriuoient, nous donnans de bonnes esperances de leur conuersion. Vn certain qui paroissoit autât opiniastre, que [116] les autres, estant pourfuiuy des Hiroquois, eut recours à la priere; & comme on luy demanda ce qu'il disoit, il recita le *Pater* & l'*Aue*, qu'il auoit appris en deux iours d'une pauvre femme aueugle, instruite & baptisée à l'Hospital.

Ce que ie vais dire des Attikamegues, appartient à cette Residence, pource que les Peres qui font là, les instruisent; mais fort peu: car ils ne paroissent que comme des éclairs: Les Sauvages de ce país les nomment Attikamegues, du mot Attikameg8, qui signifie vn certain poisson blanc: Je n'en ay point veu en France de semblables, il est d'un fort bon goust; & peut-estre, que s'en trouuant quantité au país de ces bonnes gens, on leur a fait porter le nom de ce poisson. Ils demeurent dans les terres, au Nord des